

夜雨秋燈錄

宣瘦梅著

第一冊

進步書局校印

筆記小說大觀

集



清宣瘦梅著

夜雨秋燈

上海進步書局印行



夜雨秋燈錄序

金井墜梧之候之塘芰萎之辰夜永於年秋涼似水淡烟彌野而急雨隨跳素月掩輝而孤燈替照墜餘懽兮未捨眷所思兮不來僕于是謝趾離楚心字楚騷東而不讀商音聽而增淒客有冒雨叩門攜燈入座者肅而言曰子亦知夜雨秋燈錄乎其為書也可以質仙佛可以驚鬼神微雲之舒卷于太虛未足方其縹緲也飛瀑之頃瀉于古澗不能擬彼清冷也趣語橫生奇思迭出實足補志林所不逮而步觚臚之後塵僕乃受而卒業曰嗚呼噫嘻子殆窺其迹而未明其心矣夫賈傅作鵬鳥之賦禰生成鸚鵡之篇類莫脫乎樊籠隱自書其抱負宣君瘦梅書可換鵝帖徒乞米杜陵屋破驚聞涼雨之瀟瀟阮籍途窮空對孤燈之耿耿離人愁夜騷客悲秋紉芙蓉以為裳採蘅蕪而作佩不堪回首絃詩商畫之場無限傷心香草美人之喻是錄語以隱而彌顯意似奇而實庸美刺悉本風詩事屬于虛而不害毀譽總存直道言雖孤憤而何傷况乎書奇事則可愕可驚志崎行則如泣如訴論世故則若嘲若諷摹艷情則不即不離是蓋合說部之衆長而作寫懷之別調也子徒嘗其文法誇其匠心不幾相馬以皮而好龍以畫哉客既去覺秋氣次寥夜光明靚別有振觸即誌簡端質諸宣君當亦謂異苔而同岑不致方鑿而圓柄也夫

光緒二十一年秋七月之吉梁溪叔言沈家珍書于海上

夜雨秋燈錄目錄

卷一

青天白日

銀鴈

王大姑

雅賺

東鄰墓

吳孝子

卷二

龍梭三娘

迦陵配

劉子儀膏藥

忠魂入夢

奚大瘤

王紅冊

一聲雷

應聲藍面鬼

卷三

桂林臬署三異

烈瑯盡孝

父子神鎗

珊瑚

麻瘋女邱麗玉

卷四

佟河子

雪裏紅

鄒生艷遇

假五通神

郝騰蛟



續集目錄

卷一

卓二娘

丹青奇術

范小仙

郁線雲

樟柳神

古劍頭

喪事演劇

穀於菟

卷二

木孩童

癡蘭院主

沉香街

小癩子

稽聳歿為文信國公冥幕

丐癖

髮繡佛

卷三

大脚仙殺賊三快

南郭秀才

驢化為履

樹孔中小人

楠將軍

曇花記

博山兩賢婦

珠江花舫

卷四

金竹寺

石郎簑笠墓

馬姓

離垢園

陶莊

十丈蓮

古泗州城

獨角獸

三集目錄

卷一

先覺僧

華瘋子

補騙子 十二則

某廣文

三官救劫

雷神

湯文正

卜者梁翁

小王子

卷二

科場 五則

姚幕府

周封翁

陬邑官親

同胞三鼎甲

義貓

李老

丁養虛

阮封翁

趙甲

轉女為男 二則

卷三



妓篤故誼

破鏡重圓

珠妓情殉

四川某賈軼事

記瘦腰生春粵妓事

崇川俠妓

冶遊遇故妻

阿韓傳

九月桃花記

記珠江韻事

得新忘舊

女仙降乩詞

船女奇緣

情死

記張素琴校書畢命

記錢姬假途脫籍事

記紫蓉女奇逢

記珠江才妓事

蚌精

品花賸語

李芸小紀

卷四

張少卿校書花燭詞

榕城生逸事

西冷太瘦生偶記

情種輕生

張少卿題虎阜寺

和張少卿女史

玉峰樵客遊虎阜

雙齡小傳

灤陽女子題壁詩

一度風流千貫錢

天緣巧合

珠江風月

記李三三逸事

姚倩卿小傳

鄭素琴小紀

馬雙珠小傳

胡寶玉小傳



夜雨秋燈錄卷一

天長宣 鼎瘦梅甫著

青天白日

浙人南宮認菴。以字行。幼隨父璠宦於粵。清廉窘其橐。母先逝。父繼卒。虧庫欵。將繫獄。素諸叔壁幕於蘇。欲往依之。潛焚兩親骸以竹籠負之。徒步逸。餐風咽露。跋涉奔波。一載始抵尋。叔無耗時。蘇正歲歉。益困急。傾守囊錢。購半畝地。瘞之。誌以碑。結茅若團瓢。守其側。蓬頭垢面。淪入乞兒。賸飯殘羹。尚知薦祭。時年僅三五。性孝且慧。貌癯不枯。聞吳兒山歌。學之。即當伍氏簫。始免餒。朝村暮郭。倏忽三年。偶倚古寺門。向陽捫蝨。面即貴家園。時見美人樓上眺。頃一小鬟。艷年二八。出而反掩其門。行向西。忽伏草際。少時。整衣去。知為小遺。甫數步。即若有膩物墜地。軟無聲。呼告之。婢不覺。遂掩襟往覘。錦袂也。中裏金玉釵釧。珠寶零星。勝以魚函折作方勝。書云。十郎哥哥足下。妹謬以陋質。獲配清芬。親上做親。幸中之幸。牽牛西北。一水盈盈。孔雀東南。雙聲隱隱。盟深金石。妹喜嫁得梁鴻。却轉滄桑。郎忽貧如司馬。然而鮑宣對挽鹿車。阮氏何嫌擯鼻。幸雞窗攻苦。卜鴻路飛騰。敢怨標梅。撫青春而未艾。惟祈折桂。脫白袷以來。迎逆。知青眼頻更。紅絲欲斷。每聽狐語。似怨前度之冰。欲倩蜂媒。再接他家之酒。

心石堅而不轉。辭簧鼓而須防。若真挾瑟改絃。定彈黃鵠時。擬傳箋布。意恨少青鸞。小婢娟奴。雖曰主僕。實同腹心事。已迫於燃眉。情實殷於刺目。遣尋一鴉。面展雙魚。奉上緘淚之句。斷腸之辭。宛轉十三行。預仿蘇娘織錦。附以纏臂之金。搔頭之玉。珍珠一百顆。聊為匡壁添光。不盡纏綿。泥中人再為嚔舌。未敢隕謝。矍下材急。不擇音。敢布愚忱。伏維憐鑒。某年月日。秦氏小妹貞璞。檢衽手肅。南驚讀一過。訛曰。險哉。東床落魄。富兒賴婚。鍾情者。越禮冒嫌。進療貧方。若為他人拾得。則婢固命盡。即迢迢牛女。亦復睽違。鵲橋無日矣。曷坐以覘之。少頃婢返。面色灰死。倉皇覓棒。奔間不得。仰天嘆曰。奴死不足惜。負主人託。奈何。南笑曰。娘行失何物。值何言死。婢聞其言。有因。哀祈曰。好男子。曾寓目否。曰。卿能明告我。或者璧能返也。曰。我秦氏婢娟奴。日伴女公子。主見壻家貧。欲改適。女公子日夜哭。妾憐之。請以粧臺中舊蓄者。約五百金。裹以鮫綃。附以雁字。親去作寄書郵。付於小檀郎。囑入都。謀戰捷。好親迎。墮其物。必洩其謀。烏能不悲。言已。大慟。曰。然則將若何。曰。死耳。南探懷與之。曰。是耶。非耶。婢見即伏地叩。南挽之。示殷勤。婢曰。子乞人。得暴富。棄之甘乎。妾將何以報。曰。報我不難。恐我之所易。子之所難也。我之所甘。子之所苦也。曰。試言之。曰。僕雖冠。猶童子身。子貌美極矣。未知能令我真個銷魂否。婢赧然。徐報曰。君姑待我。行行即來。婢齎金玉去。南亦僮僕出東郭。三日。



後偶經園外。遠聞鶯聲。喚曰來乎。仰視之。婢也。笑而招以手。門者然開。南遽掩入湖山石畔。芳草如茵。婢曰。以此聊報大德。可一不可再。南曰。諾。方將偎抱。見婢以紅羅蓋粉面。南笑曰。子秀色可餐。方欣飽看。博須臾歡。何吝而抑藏乎。抑嬌羞故態乎。婢以纖指向上曰。青天白日。不怕神明耶。南驚如棒喝。情魔潛遁。遽起曰。子畏神明。僕寧不畏乎。持竿攜籃。喃喃誦青。天白日四字。出門去。婢遙致聲。君每日日中來。當分己食果。君腹南瞑目狂奔。亦不計園門閉否。明日市上行。有一相者。呼曰。丐者來。子卧蠶下。何來此陰隲。紋應在三十六日。必有非常遇。曰。吾日唱蓮花求生活。免溝壑足矣。尚欲追蹤滎陽公子耶。曰。不然。驗當酬若干。曰。十千。誣則若何。曰。挾我雙眸子。曰。先生眸子危矣。至三十五日。丐如故。走告相者曰。眸子權寄尊龐一宵。穩相者又視之。拍掌曰。得矣。邊城紫氣透。當先得財。南曰。諾。明午步長街。忽有牽其裾者。呼曰。月兒耶。南頸有月牙痕。故小字月。視其人。鮮衣怒馬。貌若貴官。姑應曰。然。其人慘涕。曰。兒何至此。南驚憶曰。壁叔耶。曰。然。兒曷隨之歸。寓廬中。起居華燦。叩阿孀亦甚慰。因縷述顛末。哭失聲。叔曰。久謫爾。父母歿。特函詢。無回字。乃在此耶。吾年老橐富。無子息。今得猶子。不愁繼續矣。立命婢媪。為更襪縷。且濯香泉。依舊翩翩。顏色煥發。婉述相士神。叔命以十千酬之。欲招致為叔鑑慈顏。不許。旬餘。忽以千金付之。曰。兒既廢讀。當學賈。以齒穉辭。



曰試為之。無不利。南東裝買。擢過江。運白粲。大獲。明年今日歸省叔。至則門戶猶存。第五非是。詢居停。曰子去後。爾叔亦他徙。且不知徙何處。南茫茫無適從。因思江北新置宅。曷歸而偵訪。掃墓瞻仰。榜人頻催。腰纏餘五百金。即全購柏油。壓船渡後。北風怒號。江凍十日。不能解。柏油值頓昂。獲利可十倍。更於宅前設緞鋪。以三千金為母。招老成者四五輩。司出納。又一年。心不忘叔。一人渡江。搭散入船。中流風大作。浪如山。霹靂大震。同儕者十數人。咸見雲中現極大四金字。曰青天白日。筆畫分明。眾誦佛禳之。而字仍現。雷復鳴。船幾裂。眾急曰。上天已明示惡人。事各自省。無累他人。南挺身告眾曰。此僕隱事。誠不可以告人。敢相累乎。急向怒流。躡身投。昏懵中。抱得枯槎。聽其掀簸。耳聽雷雨驟下。火光竄金蛇。須臾霽。視此身如一點萍。乘萬里浪也。忽一官舫。鳴鑼挂帆來。呼曰。速救活抱槎人。賞十貫。旋來紅船。挈而登。官舫人非他叔也。互驚問。叔何處來。曰吾移居通州。偶遊紫琅山耳。爾父母墓無恙。爾之心曲。吾已悉。娟奴已隨秦家女。適壻家。壻果貴。即迎娶。爾事緣未至。毋慄也。同之通寓。見孀安好。婢僕更多於蘇寓。不敢問。居二日。袖出小摺呈叔。此年來子金總目也。曰煩甚。曷携去。翌晨辭別。叔又贈以數百金。抵蘇訪娟。果如叔言。忽遇弄船人。驚曰。君尚生耶。若輩皆震死。船覆。吾抱纜始免。頃泊此修治耳。南出資贈助之。即假館舟子家。偶倚白板閒眺。見一美人乘

香輿隨僕媪復又一婢乘下澤車貌酷似娟尾行三四里至一尼菴美人登殿拜如來僕媪  
憇遊廊菴主獻香茗婢聞步偶見南目熒熒低喚曰青天白日南失聲曰噫娟娘耶婢問何  
遽華潔告以故曰鍾情者尚戀舊耶曰中懷無一刻忘曰彼此有情尚不謔姓氏令人齒冷  
又詳告之旋聞內呼娟美人偕去南惆悵無聊賴躑躅叢墓處見一大塚碑云東浙寓公南  
宮諱璧玉人先生之墓誌文詳叙夫妻同卒於蘇死近五載旅葬於此以待猶子南宮認菴  
他日尋覓撰書者里諸生郁昉南讀畢大驚回憶叔孀面目不知此墓中人何既同名氏且  
猶子亦同名必無是理而竟有是事歸訪文學士知郁昉第具冠投刺入拜昉憬然曰君頸  
有月牙痕乎曰然曰令尊叔甫生時與先大夫莫逆交先大夫逝叔甫老伉儷亦相繼逝易  
簣前數日堅囑鄙人預後事謀吉壤作墓誌並囑君如回蘇即為繼續君從何知有僕而惠  
然肯來耶南以見墓誌對曰幸不負先人遺命也南感額以兩次遇叔告求解惑曰令叔甫  
生習吐納歿能解脫如子言其仙去乎南遣人如通訪叔杳矣遂移兩骨函依叔墓重葺雙  
塚峨峨加以封植手自撰文勒石紀事昉視之喜曰子尚能習舉子業何自棄蓋昉已前科  
北闈中經魁因歎留教之讀是秋回浙中副車昉開筵為賀鼓吹大作泥金署牆把酒向南曰  
君貴矣芳年二十有一尚欲歌朝飛雉耶曰弟有舊盟癡心拱候耳曰愚兄代覓佳人為君



權署縣君何如。言未已。即有婢媪扶一美人出。與交拜。南不知所措。昉挽之拜。兩行畫燭。送入洞房。親為反扃雙闥。臨去。顧內曰。今宵好報恩。毋再怨我。夫婦累汝。漏靜。揭巾微睨。則紅粉露垂。香肩玉削。頗似娟。亦低喚曰。青天白日。新人微粲。曰。悶葫蘆打破矣。南聞之大喜。始知尼寺美人。即昉妻。當日寄書人也。夫貴。娶已兩載。極敦愛。娟重見南。始為貞。述南來訪。貞始末。為昉述副車之中。賴昉力。黃緣關節。始獲雋。其所以不即以娟與之者。恐誤讀耳。少頃入幃。綢繆猶處子。明日謝昉。昉亦謝。至是始道破。昉曰。君遇遺金不拾。僕亦留全璧以待也。從此秦越一家。親愛如手足。南旋即援例。謁選。官揚州司馬。携娟娘去。頗不自諱。每謂僚佐曰。不圖黃榜中。亦有卑田院中乞兒也。

懊儂氏曰。昔披裘人云。僕豈拾遺金者哉。然高人遇之易。乞人遇之不易。至美色當前。懸崖勒馬。此等功夫。尤不易。偉哉南宮。宜乎蒼蒼者。報以厚德也。吾願普天下男兒。無論富貴貧賤。當人人書青天白日四字於座右。

### 銀鴈

江西某郡。有地師杜君。香草青鳥。術最精。嘗與富室兒李十九友善。其父故杜。為走山谷覓地。草屨幾穿。閱三載。始得一穴。沙水分明。良為吉壤。居邑之東山。距李宅四十餘里。山故幽僻。



樹木葱蘢。遊者聽樵斧丁丁。與巖寺午鐘相問答。而西山居其前。儼如屏幃。蒼翠溢眸。杜得意非常。告李曰。此福地也。令尊人古道。為鄉里重居。此諒無愧焉。願公等更修德以培之。則子孫貴真莫及不日。杜為點穴。李兄弟扶觀窀穸事。嚴杜往浙。應貴人聘。厚贖遠行。一別兩載。詎莫後家道反不如前。疊亡人口。其兄李十八夫婦亦偕亡。遺一嬌女。名銀鴈。彌留時。殷殷以弱息相託。泣曰。吾夫婦他無所戀。惟勞吾弟看顧銀兒。則瞑目泉臺下。十九亦泣受遺言。女年甫十四五。風致袅娜。不慣操作。其婦翁氏黑心符也。時於臺前。嘗猶女懶惰。久之遂信垢面蓬頭。淪入赤脚。女始伏枕上。泣繼對木主啼。婦怒施鞭撻。女奔告叔。反繫其手足。而毒楚之。諸婢環泣伏叩。請代不許。雪膚流血。一綫僅延。婦怒猶未已。幸先隴隣菴老尼來。為翁氏諷受生經。急代緩頰。始釋。明夕婦欲禮佛。索溫水盥手。女誤以冷水進。大怒欲笞其背。女懼奔投門外。溪水見亡母冉冉自林中出。悲告女曰。兒無苦。且隨老尼遁空門。則生矣。言已。即杳。女正慘痛。忽聞門內喧嚷。翁氏自批頰。作亡母聲。詈曰。狗賤根。何仇欲殺吾女。十九奔入。知為亡嫂。怒婦惡。代哀之。即唾其面。數責萬端。急尋女得。於門外。謹覓死狀。携入。婦即抱女。哭失聲。旋又自擊。以木杵搗陰戶。血淋淋流出。窮袴外。禁制之力。猛於虎。一室大譁。隣舍登牆窺。雞犬皆驚。老尼素與銀母善。合掌曰。善哉善哉。大娘何暴也。老身為證。囑渠改

過善視銀姑不許。早為銀姑覓佳壻。不許。寄養戚里家。仍不許。尼戲曰。無已。其將付老身。携去。為弟子乎。婦聞即稽首拜。曰。願以掌珍煩大師接引。問如願否。曰。願。十九知不相能。亦聽其出家。明日親送之菴。擬即削雲鬢。尼曰。尚早。瞑目坐蒲團。炊許。張目笑曰。溪水何妨。隨石轉。嶺雲更有出山時。十九臨去。謂女曰。兒有所需。可暗囑師父來取。毋輕陷不測也。女涕泣牽裾。尼大唱曰。痴兒既皈依三寶。尚作嬰兒戀乳狀耶。急送十九出。掩菴扉。由是掃地焚香。鐘魚梵唄。漸授以禪課焉。年餘十九益困頓。戚屬咸云。坐新阡不利。有識者云。右沙太聳。即利。亦只發女家。明年杜歸。目覩李之情狀。大驚。心亦疑殯宮風水。然晝則走山谷。夕則挑燈。比對書冊。均無誤。終不識致困之原。一夕假歸家宿。夜夢天女至。烟鬟霧鬢。儀態萬方。告杜曰。汝亦知李墓不吉。所由來乎。吾山神也。持以詩句告汝。詩云。千里來龍結一匏。左根右葉長根苗。天生福人住福地。無愧惟有西山樵。杜心欲咨白。而天女遽作霹靂乘雲去。杜驚寤。急往西山。尋一泛常穴。為李遷葬。詭云前穴地脈。為山風吹破。不足寶也。暇則裹糧入西山。物色樵豎。匝月無一遇。一日暴雨至。視嶺右有衝茅數椽。急奔避。一婆娑老嫗。縷服出應客。堂上懸桐棺七尺。總帳凄然。云伊業砧。亡週七年。問有哲嗣否。云僅一杜姓佛奴。其名蓋渠。父夢佛而生者。因貧習樵採。日在東山雲深處。言已唏噓。向外翹首云。頃將遭雨。恐歸來又



似水淋雞。旋入以山茶炊餅餉。杜餐飲頗甘。須臾一少年荷樵冒雨歸。眉目端好。氣宇不凡。見客支揖如儒者。杜知是佛奴。自陳同姓。佛奴入與母言。少頃又出與為禮。如見長上。杜喜與閒話。辭均閑雅。無俚語。告嫗曰。文郎不俗。何不令讀書識字。嫗曰。兒幼曾就村館。渠父既歿。未亡人又衰邁。全賴是兒。斧柯供菽水。問佛奴年齒。則云十七。是夕即就地藉藁止杜宿。晨起出腰金二兩。酬茶果費。嫗笑曰。母子雖貧。而非賣茶果者。矧同宗者耶。堅却不受。杜知不可強。後累過其廬。禮貌均不衰。一日見佛奴獲雙雉歸。烹而登盤。味極鮮美。盤有餘。收入供母。及偷瞰佛奴。則仍咽粗糲。杜大敬重。告嫗擬為佛奴覓佳耦。嫗喜曰。兒年已冠。得宗長作伐。大好事。但一貧如洗。誰肯以婦女嫁樵人子耶。問渠父可有葬地。曰野葬耳。免入漏澤國足矣。尚敢卜牛眠歟。曰不難。僕有吉壤奉贈。他日貴顯。幸無忘指引人。嫗敬謝稱善。杜向李十九索前地。云有遠族孤寡。請以所棄者與之。需值當不吝償。李慨然不吝。杜欲立券。李本擬以百金酬杜。至是遂克立百金券。杜持往與嫗諏吉。佛奴集眾樵。舁父櫬詣葬穴。杜命劊五尺。無移舊穴。而深倍之。甫掘尺許。得一物。非土非石。狀類龜鼈背。有篆文曰。識者杜。葬者杜。宜子孫貴且富。鮮德之家。莫妄覷。葬已。杜又遠行。佛奴仍習樵。每晨過父墓。輒見蒸騰如釜上氣。瞬息嚴寒。佛奴正癡望。忽白氣接凍雲。縷縷然。漠漠然。落落然。霎時雨雪大至。衣